

天鎮縣志卷之六

知縣張坊補輯

列女

嘗讀曾子固列女傳目錄序云家人之義歸於反身二南之業本於文王吁信哉我

朝德化覃敷

詔旌壘沛卽至邊徼窮壤而女子之嫺於大義者不減中

州文明之地蓋其涵濡深矣志列女

明

宏治己酉舉人周完妻李氏年十八而寡遺子魯甫一歲氏守節訓子以歲薦任山東朝城縣令巡撫劉疏其苦節奉

旌表壽八十七歲終

贈守備千堯妻朱氏年二十夫故遺子鳳儀甫四歲教子成名官至叅將封太宜人奉

旌表壽七十四歲終

雷世英妻張氏年二十五夫亡遺子宸六歲每欲自盡念孤輒止家貧無以為生女工度日教子三十餘年按臣

為之旌表 載雲中志

國朝

生員丁培初妻趙氏年二十四夫故二子旺震旺巽俱幼
氏守節養姑教子讀書旺巽八縣學雍正四年知縣陳
際熙申請具 題奉

旌表建坊

于構基妻安氏年二十三夫歿子公勸甫二歲氏苦節教
子補弟子員教授張德榮給以全節教子額壽七十四
歲終

廩生閻太順妻寧氏年二十九夫亡遺子玫十歲氏甘貧
事女王奉舅姑後玫生三子尋亡氏又撫孤孫三文郁
文彬皆補邑庠生康熙五十五年教授劉元溥給以貞
德留輝匾壽六十九歲終

貢生閻家齊側室馮氏家齊年六十一子大任死因納氏
焉家齊歿氏年二十三乃立堂姪孫璋為夫孫後璋生
三子夫婦尋偕亡氏苦志撫育曾孫胥成立年五十四
歲卒

袁士淳妻趙氏年二十夫故氏誓不改適事舅姑以孝聞

姑性嚴事之倍謹後舅姑相繼逝氏極哀盡禮壽六十餘歲終

康生羅翰世妻吳氏年二十八歲夫故時翁老氏能養志每食必請所欲嘗脫簪珥以市甘旨一子宜甫四歲撫育成立現年七十七歲苦節已經四十餘年

叅將羅光大繼室姚氏夫卒於任氏年二十七決志殉夫因無子強起治喪扶襯歸里預置己棺于窆期前一日更衣自縊家人同日並葬

谷發妻王氏發從弟旺少孤從母轉適母亡歸依發傭力

自食未幾發病故旺思妻其嫂將僦居他所直言致之
氏泣且詈隣婦咸為勸解既而旺不及持潛遣幼姪出
挺然人犯氏峻拒旺怒持挺擊之推仆鍋斧其額立時
死康熙四十七年事聞旺抵死氏

詔旌 見山西通志

房玉金妻李氏明南康別駕李大綸女也年三十夫亡遺
子四幼子甫三月家貧甚兄弟憐而勸之令改適氏哭
告曰房氏一族四子之外無別工我若再醮非惟失節
可羞而四孤誰託宗祧幾由此絕誓不從撫四子俱成

立壽八十二歲終

曹宏妻郎氏年二十二夫故生一子士達甫三歲時翁姑
胥年逾七十家貧難支氏竭力侍奉後翁姑相繼歿殯
葬如禮教子士達人縣庠雍正九年學師郁時中給以
柏舟矢志額 舟矢志額苦節四十八載乾隆十五年奉
旨以清標彤管建坊旌表 年六十九歲

任秉正妻李氏年二十五夫亡遺孤二長七歲次讓年始
三週時家貧姑老族黨中有勸以改適者氏矢志靡他
奉姑愈謹刻意教子讓人縣庠其長子授室後生一子

旋亡氏撫孤孫今又授室業儒矣雍正十三年學師郁時中獎以扁現年六十有四苦節已四十載允宜

旌表

故

李廷瑜妻張氏年二十八夫亡遺子昌方三月家故貧雖有伯叔不克瞻養氏勤女工度日備嘗艱辛僱工力農延師訓子自昌人泮後家漸裕又能推惠族黨前縣陳際熙前學郁時中胥給扁褒嘉閭里稱賢守節已歷三十九載現年八十二歲候

旌

周愈妻史氏年二十九歲夫亡無子甘貧守節立親姪學
洙以繼夫後撫育教訓如同己出現年七十有七苦節
三十四載候

旌

李呈麒妻古氏年二十七歲生子三夫亡又生遺腹子一
時有氏叔翁某勸其改適氏堅志不從撫四孤俱成立
孫紹白入武庠同白食廩餼俱遺腹子炯出守節五十
三年壽八十終待

旌故

劉沛奕妻李氏年十七夫亡生一子方彌月家貧甚氏以女工支持上奉舅姑下育孤兒歷十六載子死氏母迫其再醮氏泣訴曰我固無子豈忍令舅姑無媳聞者淚下後氏請立夫兄生員沛超第三子梁為夫承嗣撫如已出延師教讀人泮苦節已四十年現年五十九歲待旌故

趙有祿妻張氏年二十四歲夫亡子幼氏甘貧守節撫孤成立娶媳生孫越十數年于媳相繼而亡遺孫甫離襁祿氏復撫育成立娶婦生曾孫一乳名吉泰未幾孫與

孫婦又相繼亡氏仍撫曾孫令吉泰已十一歲矣茆茆者幼株守一室撫孤三世貧窶異常卒年八十有二苦

節五十九年允宜

旌表

故

李嘉訓妻閻氏年二十八歲夫亡二子俱幼家故貧族人力逼該適氏破面斷髮以死誓事始寢撫二子成立苦節四十三年壽七十終候

旌

故

王柱繼妻高氏二十二歲夫亡時姑吳氏以七十一歲矣

氏甘貧守志力事女紅以奉孀姑復延師教育前妻子
配禹入泮年五十二歲卒苦節三十一載待

旌故

王三爵妻溫氏十七于歸翁姑年高家貧氏勤儉持家志
甘淡泊三爵歿弟世爵幼氏奉養翁姑撫教子弟針黹
女工以助薪水迨翁姑繼逝氏竭力營葬苦志守節雖
衣食不繼心同金石世爵遊庠子鏐亦成立能體母志
經營家用稍裕乾隆十三年奉

旨建坊旌表

候琰妻羅氏十九適琰事奉翁姑先意承顏曲盡孝道翁姑繼逝氏持喪三年喜笑不形夫故無子夫弟三妹二皆氏教養婚嫁又八載方繼姪世綬承嗣食廩邑庠雖家業清苦躬操井臼晏如也諸姪失怙恃者氏恩養如所生現年六十七歲允堪

旌表